

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Allaffeqarfimmiit paasissutissiineq**

**Imm. 03 Siunissami kalaalimineerniarfik - Sisimiut**

**Imm. 04 Qeqqata Komuniani Kalaalimineerniarfiit pillugit isumasioqatigiinneq**

**Imm. 05 Kangerlussuarmi eqqagassalerineq**

**Imm. 06 Teknikkeqarnermut ataatsimiititaliami suliat suliarineqartussat**

**Imm. 07 Maniitsumi sulisunut inissiat aqqaneq-marluk pillugit sanatitsisup siunnersuutaa**

**Imm. 08 Tamalaat**

Ataatsimiinneq videokonferenci atorlugu ingerlanneqarpoq aallartillunilu nal: 14.02

**Peqataasut:**

*Siumut*

Frederik Olsen  
Jakob Olsen  
Henrik Fleischer

*Atassut*

Siverth K. Heilmann

**Inuit Ataqtigiit**

*Nalunaaruteqarlutik peqataannngitsut:*

*Nalunaaruteqaratik peqataannngitsut*

Axel Lund Olsen

**Imm. 01 Oqaluserisassat akuersissutigineri**

Akuersissutigineqarpoq

**Imm. 02 Allaffeqarfimmiit paasissutissiineq**

Paasissutissatut tiguneqarpoq

Paasissutissiisippu Hans Ulrik Skifte Sisimiuniik aammalu Ulrik Lyberth Maniitsumiik.

### **Imm. 03 Siunissami kalaalimineerniarfik - Sisimiut**

*Journalnr.*

#### Tunuliaqutaq

Qeqqata Kommuniani Kalaalimineerniarfiit siunissaat pillugit isumasioqatigiinneq, Sisimiut ulloq 19. september 2018-imeersoq.

#### **Siunertaq:**

Politik-ikkut kissaatigineqartarpoq kalaalimineerniarfiit pitsanngorsarneqarnissaat aammalu periarfissaqarpat ingerlanneqarnerat privat-init tiguneqarsinnaanerat eqqartorneqartarluni.

Kalaalimineerniarfiit siunissaat pillugu misissuinissamut Qeqqata Kommunianingaaasaliinikuuvoq. Isumasioqatigiinnerup matuma siunertaraa Qeqqata Kommuniani kalaalimineerniarfiit siunissaat pillugu eqqartueqatigiittoqarnissaa. Tassanilu atuisut tassaasut kalaalimineerniarfinni pisisartut aamma aalisartut piniartullu kalaalimineerniarfinni tunisisartut, taakkua kissaatitik saqqummiutissagaat aamma siunnersuuteqassasut kalaalimineerniarfiit siunissaannut tunngatillugu.

Tamatuma saniatigut inuussutissalerinermi inatsisitigut killiliussat periarfissasallu eqqartorneqarnissaallu siunertaavoq.

Suut periarfissaappat aamma suut aporfiuppat.

Isumasioqatigiinnerup inerneriumaartussaavaa Qeqqata Kommuniani kalaalimineerniarfiit qanoq pilersaaruserfigineqassanersut pillugu tikkuussisoqarnissaa suleriaqqinnissamut aqutissiuussinnaasumik.

#### Pissutsit atuuttut

Qimatulivik pioreersoq 170 m<sup>2</sup>-it missaanik annertussuseqarpoq, misissuinerillu kingullit takutippaat, sulisut pitsaanerpaamik suliaqarnissaannut mikivallaartoq. Atugassarititaasut pigineqartut piniartunut pitsaanerpaajungillat, minnerunngitsumillu neqit tunisassiassat piareersarluarnissaannut periarfissat pitsaanerpaanatik.

Brugsen-ip Tele Post-illu kiisalu pisiniarfiit allat qanittuani Qimatulivik pioreersoq, illoqarfiup kangiata qiterpasissuani inissisimavoq. Eqqaani aamma bussit unittarfeqarpoq, taamaalilluni Qimatuliviup inissisimanera pitsaasutut taasariaqarpoq, innuttaasummi taamaalillutik Qimatulivimmut ornigunnissaannut periarfissaqarluarput, minnerunngitsumik utoqqaat ulluinnarni Qimatulivimmik atuisuussut.

Nunatami nunap pissusaa pitsaavallaartuunngimmat, inissisimaffimmi pioreersumi eqqaaniluunniit nutaamik Qimatuliviliornissaq aningaasaqarnikkut navianartorsiortitsissaaq. Nunatami sanaartukkat pioreersut sanaartorneqaleruttortullu toqqavimmut tunngatillugu ajornartorsiuteqarsimapput, taamaalillutik aningaasartuuteqarfigineqarnerulersimallutik. Allatut oqaatigalugu, missingersuutigineqartut malinneqassappata, taava sanaartukkat minnerusut sanaartorneqassapput, toqqaviit aningaasartuuteqarfiunerulertussaammata.

Inissisimaffissaq nutaaq taamatulli periarfissaqarpoq, illoqarfiulli qeqqata kitaatungaani inissisimalluni, taamaalillunilu piniartunut aalisartunullu pitsaanagerusumik appakaaffissaqalersilluni. Inissisimaffissaq nutaaq katersortarfiup, iffiorfiup, aningaaseriviup, bussip unittarfiup, Pisiffiup, Brugseneqqap il.il. ungasinngisaani inissisimassaaq, taamaalilluni Qimatulivissaq maannakkut Qimatulivittulli inissisimanera orniginartuussalluni.

Inissisimaffissarli nutaaq aqquserngup ingerlavianik isikkuanillu allangortitsinermik, illoqarfiulli qeqqani angallannermik pitsanngorsaannissamat periarfissiiginnassalluni.

*Pissutsit attuuttut saqqummiunneqartut Teknikkimut Avatangiisinullu ataatsimiititaliap ulloq 6. Marts 2017-imi ataatsimiinneranit ilisimatitsissutitut ilanngunneqarput.*

#### Atuilluartuunissakkut kingunerisinnaasai

Maannakkut pissutsit pioreersunut sanilliullugu, arlaqartutigut ataatsimiittarnerni atuilluartuunissamat arlaqartut nutaamik sanaartornissami eqqarsaatigilluarneqarsinnaapput, assersuutigalugu.

- Suliffiup avatangiisia pitsaaneq
- Illumik pitsaanagerusumik aserfallatsaaliineq
- Sulisunit kalaaliminernik tuniniaanerit pitsanngorsarneqarnerat
- Piniartut pisaminnik uullinissaminnut periarfissat pitsaanerit

Ullumikkut illu pisoqalisimavoq, aserfallatsaaliinerlu atuilluartutut isigineqarsinnaajunnaarluni. Nutaamik Qimatulivimmik pilersitsinermi aamma sanaartorfissami pioreersumik Qimatulivikup ingutserneqassaaq, taamaalillunilu sanaartorfissamat namminersortut imaluunniit kommuni, sanaartorfissamat piukkunnartumik pilersaaruteqartoqartillugu qinnuteqarsinnaalissapput.

#### Allaffeqarfiup naliliinera

Allaffeqarfik nalilivoq, kommunip pilersaarusiordfigineqarneranut kiisalu illoqarfiup pilersaarusiordfigineqarnerani sanaartorfissat pioreersunut atatillugu, inissisimaffissaq nutaaq aqqissutini pitsaanerpaasoq.

TAI-mit atuisut (SAPP aamma SAAPP), Qimatulivimmi sulisut kiisalu piniartunut aalisartunullu siunnersorti peqataatinneqarput, tamanillu inissisimaffissaq nutaaq pitsaanerpaatut isigineqarluni.

Kommunip pilersaarusiordfigineqarneranut tapiliussamik suliaqartoqarneranut atatillugu, eqqaani illut soorunami eqqarsaatigineqassapput.

Qimatulivissamat nutaamat tapiliullugu, pilersaarusiordnermi kalaaliminernik kissartunik tuniniaasinnaanermut periarfissamik ilanngussisoqarnissaa atuisunit kissaatigineqarpoq. Minneruinnigsumillu piniartut aalisartullu erseqqissaatigineqarpoq, piniartut pisaminnik nakkutigisaasumik pilannissaminnik pitsaanagerusumik periarfissaqarnissamik kissaatigineqartoq, ullumikkummi arlaqartut pisaminnik sissami imaluunniit illoqarfiup iluani allami pilanneq ingerlanneqartarpoq. Tamanna neqit mingutsinneqarsinnaanerannik navianartoqartitsivoq, siunissami pinngitsoortinneqarsinnaasoq, ullumikkummi kommunimit tamakkiisumik nakkutigineqarnissaannik periarfissaqartoqanngilaq.

Pilersaarusiornerni kissaatigineqartut, sanaartornissamut missingersuutaasut kiisalu ingerlatsinermi missingersuutaasut naapertorlugit piviusunnngortinneqarsinnaaneri isiginiarneqarumaarput, taamaattorli 2017-imi taknikkimut avatangiisinullu immikkoortortaqaqfimmi misissuineri missingersuutit nutaamik suliarisariaqarput nutaanngilereermata.

*Allaffeqarfiup naliliinermini kommunalbestyrelsip siuliata Teknikkimut Avatangiisinullu ataatsimii-titaliap ataatsimiinnerani 6. marts 2017 paasissutissat saqqummiunneqartut matumani ilanngullugit atorneqarput.*

Isumasioqatigiinnerup ingerlanerani eqimattat sisamat pilersinneqarput imatut inuttaqartut:

Eqimattaq 1, Aalisartut piniartullu peqatigiiffii, Tunisisartut  
Eqimattaq 2, Atuisut, pisisartut  
Eqimattaq 3, Kalaalimineerniarfimmi aqutsisut  
Eqimattaq 4: Naaminersortunngorsaaneq, udlicitering

Eqimattanut apeqqutit pingasut apeqqutigineqarput:

1. Qeqqata Kommuniani kalaalimineerniarfinnut siunissaq qanoq ineriartorteqqissavarput?
2. Suut kissatigineqarpat?
3. Suut atorfissaqartinneqassapat??"

Eqimattat siunnersuutaasa nassuaatitai isumasioqatigiinnermi imaqarniliami ilanngussami atuarneqarsinnaapput.

### **Innersuussut**

Allaffeqarfiup innersuussutigaa Teknikkumut Ataatsimiititaliap isumasioqatigiinnermi 19. september 2017 eqimattat sisamat siunnersuutaat tunngavigalugit suliaq eqqartussagaa aalajangerlugulu,

1. Sisimiuni Maniitsumilu assigiimmik ineriartortitsisoqassasoq, neqileriffik aalisakkerivillu immikkuussasut
2. Namminersortunngorsarnissaa misissorneqassasoq aammalu neriniartarfilersinnaanera namminersortunut attartortissamik
3. Akigitinneqartut 20%-mik kommunimit 10%-mik Namminersorlutik oqartussanillu 10%-mik tapiiffigineqarnerisigut
4. Takorloorneqarpoq torvehalliuussasoq sutorniartarfilik assigiinngitsunillu suliareqqiivittalik
5. Kalaalimineerniarfik allatulaaq pisiassaatik, specialiteter. Tunuani pilattarfilik
6. Pujoorivik, maskina panertitsivik, neqinut aalisakkanullu aserorterivik il.il.
7. Sulineri avaangiisit, arbejds miljø-mut inatsisit malillugit naleqquttoq, sulisunut atugassaritaasut ullutsinnut naleqquttunngorlugit

8. Kalaalimineerniarfik nutaaq kissaatigineqarpoq
9. Suliffik ullutsinnut naleqqussagaq.
10. Kalaalimineerniarfik namminersortunik ingerlanneqartoq
11. Kalaalimineerniarfik siulersuisoqassaaq kommunimit, Knapp-mit detail-imiillu ilaasortalik
12. Pilaavik, flænsenum pisariaqarpoq. Pilaaviup atornera maleruagassaaq.

### **Aalajangiineq**

Inassutitut tiguneqarpoq

Siunnersuisusaaq 1. maj 2020-ip tungaanut, makku pinaartinnerullugit:

- Illutassaata inissisimaffissaa
- Illutassaata iluata iluserisinnaasaa
- Angallammi / pisaqarfimmi paaqqutarinissaannut inassuteqaatit
- Nunamut talittarfimmi nioqqaartarneri, isumannaatsumik
- Kaalalimineerniarfimmu apuunneqartarneri
- Atortut naleqquttut piginissaat
- Kalaalimineerniarfimmi paaqqutarineri
- Atuisunut tunisassiat naleqquttumik aggukkat
- Pisiniarfimmut engros-mik tunisisinnaaneq
- Kalaalimineerniarfiup pigineqarnera ingerlanneqarneralu, qanoq?

Sisimuni / Maniitsumi ataatsimiititaliami ilasortaasinnaasut:

- Teknikkimut ataatsimiititaliami ilaasortat
- Teknikkimut immikkoortortaqqarfimmit
- Ulluinnarni kalaalimineerniarfimmi aqutsisoq
- Piniartut aalisartullu sinniisii marluk
- Utoqqaat illuani igaffimmi ningiu
- Pisiffimmi slagteri
- Arctic Circle Business

### **Ilanngussaq**

1. 19. september 2018-imi isumasioqatigiinnermi imaqarniliaq.
2. Nunap assinga 1 til 1000.
3. Nunap assinga 1 til 500.

## **Imm. 04      Qeqqata Komuniani Kalaalimineerniarfiit pillugit isumasioqatigiinneq**

*Jornalnr. 72.00*

### Tunuliaqutaq

Qeqqata Kommuniani Kalaalimineerniarfiit siunissaat pillugit isumasioqatigiinneq 19. september 2018 Sisimiuni ingerlanneqarpoq.

Politik-ikkut kissaatigineqartarmat kalaalimineerniarfiit pitsanngorsarneqarnissaat aammalu periarfissaqarpat ingerlanneqarnerat privat-init tigueqarsinnaanerit eqqartorneqartarluni.

Kalaalimineerniarfiit siunissaat pillugu misissuinissamut Qeqqata Kommunianingaa aningaasaliinikuuvoq. Isumasioqatigiinnerup taassuma ingerlanneqarnissaanut.

Isumasioqatigiinnerup siunertaraa Qeqqata Kommuniani kalaalimineerniarfiit siunissaat pillugu eqqartueqatigiittoqarnissaa. Tassani atuisut tassaasut kalaalimineerniarfinni pisisartut aamma aalisartut piniartullu kalaalimineerniarfinni tunisisartut, taakkua kissaatitik saqqummiutissagaat aamma siunnersuuteqassasut kalaalimineerniarfiit siunissaannut tunngatillugu.

Tamatuma saniatigut inuussutissalerinermi inatsisitigut killiliussat periarfissallu eqqartorneqarnissaat siunertaavoq.

Suut periarfissaappat aamma suut aporfiuppat.

Isumasioqatigiinnerup inerneriumaartussaagaa Qeqqata Kommuniani kalaalimineerniarfiit qanoq pileraarusiorfigineqassanersut pillugu tikkuussisoqarnissaa suleriaqqinnissamut aqqutissiuussinnaasumik.

Isumasioqatigiinnermi Uumasut Nakorsaat Inuussutissalerinermullu Oqartussaaffik UNIO-miit ajorluartumik peqataasoqannglaq suliat peqqutigalugit peqataanissamut periarfissaarunneq pissutigalugu.

Isumasioqatigiinnermi saqqummiuneqarput Sisimiuni Maniitsumilu kalaalimineerniarfinnut tunngasut. Illutaannut, atortuinut tunngasut, tuniartagaannut tunngasut aamma sulisut sulinerminni atugarisaannut tunngasut(arbejdsmiljø).

Pingaartumik Sisimiuni Qimatulivik (kalaaliminerniarfik)

oqariatuutigineqarpoq mikivallaartoq, illu pisoqalisimasoq, oqoqartoq, neqinik pilattarfeqanngitsaq. Nutaamik taarsertariaqartoq.

Maniitsumi kalaalimineerniarfik nutartigassartaqartoq. Pingaartumik neqinik pilattarfik amigaataasoq.

Aalisakkat neqillu natermi ataatsimi suliarineqartarmata tamanna inuussutissalerinermi malittarisassanik unioqutitsinerusoq. Maniitsumi kalaalimineerniarfinni eqqaaveqarneq aqqiivigineqartariaqartoq.

Isumasioqatigiinnermi pisisartuniit oqariatuutigineqarpoq kalaalimineerniarfik nutaanik pisiassanik imaqarluartoq kissaatigalugu. Pisisartut pisiassanik pisariitsunik aamma kusanartumik poortukkanik(emballage) piumasut oqariatuutigineqarluni.

Pujoorinerit tarajorterinerillu kalaaliminerniarfinnut iluaqutaasinnaagaluartut pujuukkat tarajortikkallu sivilisunerusumik atasinnaammata.

Piniagaaneriisa avataatigut tutunik umimmannik piniagassanillu allanik kalaaliminerniarfinni pisisinnaaneq kissaatigineqarpoq.

Kalaalimineerniarfiit takornarissanit alakkarneqarsinnaasatut periarfissaanissaat kissaatigineqarpoq.

Nerisaqarfiit, Institutionit, kalaaliminernik pissarsiniartarnerat ajornakusoortartoq taakkunanga oqariatuutigineqarpoq. Ilaanni ulluni arlalinni pissarsisinnaaneq ajorsimapput, ilaatigut peqqutigalugu

piniartut neriniartarfiit siulliullugit tuniniaaffigisarmatigik.

Piniartut Qimatulivik avaqqullugu tuniniaasarmata.

Kalaaliminernik assigiinngitsunik ataavartumik pisiffigisinnaasaqarnissaq pisisartunit ujarorneqarpoq.

Isumasioqatigiinnerup ingerlanerani eqimattat sisamat pilersinneqarput imatut inuttaqartut:

Eqimattaq: Aalisartut piniartullu peqatigiiffii, Tunisisartut.

Eqimattaq: Atuisut, pisisartut.

Eqimattaq: Kalaalimineerniarfimmi aqutsisut

Eqimattaq: Naaminersortunngorsaaneq, udlicitering

Eqimattanut apeqqutit pingasut apeqqutigineqarput:

1. Qeqqata Kommuniani kalaalimineerniarfinnut siunissaq qanoq ineriartorteqqissavarput?
2. Suut kissatigineqarpat?
3. Suut atorfissaqartinneqassapat?"

Eqimattat sulineranni saqqummiunneqarput:

Gruppe, Aalisartut piniartullu peqatigiiffii:

Illoqarfiit Sisimiut Maniitsorlu kalaalimineerniarfii assigiimmik ineriartortinneqassasut kissaatigineqarpoq.

Kalaalimineerniarfimmi neqileriffik aalisakkerivillu immikkoortillugit inissinneqarnissaat pisariaqarluinnartoq oqariartuutigineqarpoq.

Kalaalimineerniarfinni nutaaliernerit kissaatigineqarput.

Aalisartut piniartullu namminersortunngorsaaneq, mianersoqqussutigalugu oqariartuutigivaat.

Periarfissat assigiinngitsut misissorluaqqaarneqassasut. Kalaalimerngit akitsupiluunnginissaat eqqarsaatigalugu.

Kissaatigineqarpoq tuniniakkat 20 pct.-imik akikillinissaat suliniutigineqassasoq. 10 pct.-it Kommunip akiligaanik taamatullu aamma 10 pct.-it Namminersorlutik Oqartussat akiligaanik.

Illumut atasoq Kalaaliminiliortarfinnguaq attartortagaq tuniniaavimmit pilersorneqartussaq, soorlu ullup qeqqanut kalaalimintortartarfissaq pilersinneqarsinnaanera eqimattamiit inassutigineqarpoq.

Kalaalimineerniarfiit pillugit ataatsimiititaliaq pilersinneqassasoq kissaatigineqarpoq.



**Teknikkeqarnermut ataatsimiititaliap november-ip 5-ani 2019 ileqquusumik ataatsimiinnerani  
imaqarniliaq 08/2019**

Gruppe, Pisisartut:

Torvehaller.

Cafe	Cafe	Neqilerffik /Slagteri
Sanalukkat Husflid	Pujuukkat	Souvenir
Aalisakkat	Neqit	Neqit

Siunissami kissaatit:

Qerititsivik angisooq

Maskinat panertitsiviit

Pujoorivik

Illoqarfiup qeqqani Torvehal

Atorfissaqartinneqarput:

-Aalisakkat filet

-Neqit aalisakkallu aserortikkat,

-Qerisut

-Pujuukkat

-Panertut

-Engros, soorlu tuttu umimmak ilivitsoq. Fiskefrikadeller

-Piareeqasut

Namminersortunngorsaasoqassappat aalisartut piniartut  
piginneqataatillugit.

Gruppe, Kalaalimineerniarfimmi aqutsisut

Sulisut oqimaatsulerivallaarput. Suliffimmi avatangiisit sulisunut atugassarititaasut pitsaanngillat.

Soorlu tikaagullittoqarpat bilinik sissamut aallertarput. Assartuineq oqimaatsulerineq  
annertoorujussuuvoq. Eqqagassat aamma suliarinerini.

Kalaalimineerniarfinnik nutaanik pilersitsisoqassappat sulisilluni avatangiisit pillugit inatsit naapertorlugu  
naleqquttumik sulisut atugassaqtitaasariaqarput.

Gruppe: Namminersortunngorsaaneq, privatisering, udlicitering.

-Kommunip illuutaa pigisaa Pilaavik (flænsenum) pilersinneqassasoq.

Bestyrelsi: Kommuni, KNAPP aamma detail

-Ingerlatsisoq, bestyrer:

-Nakkutilliineq(inatsisit),

-Eqqiluisaarneq

-Aqutsisoq, administrator

Kalaalimineerniarfimmut eqqutsinnagit pilaavimmi piareerlugit tuniniagassat suliarineqartassapput.

Tuniniagassat nutaat sallliutinneqassapput.

Kalaalimineerniarfimmi tuniniaaneq,

Pisiniarfinnut tunisisinnaanissaq,

Neriniartarfinnut allanullu tunisisinnaanissaq.

**Teknikkeqarnermut ataatsimiititaliap november-ip 5-ani 2019 ileqquusumik ataatsimiinnerani  
imaqarniliaq 08/2019**

Pilersuisunut pimasqaatit:

- Tunisassiassat passunneri pitsaasoq,
  - Assartuineq poortorerilu pikkorissarsimasumit suliarineqassasut,
  - Certifikat.
- Periarfissaasariaqartoq aalisartut piniartut namminneerlutik tuniniaasinnaanissaat,  
namminersortooreermata.
- Bod-it illoqarfimmi pilersinneqarsinnaapput.

Eqimattap tunngaviusumik piumasarivaa kalaalimineerniarfiit nutartertariaqartut. Projektitut suliaq ingerlattariaqartoq.

Illut immikoortinnagit. Pilaavik tuniniaavittaalu ataatsimuusaaq.

-----

Borgmester-ip naggasiinnermini ilaatigut oqaatigivaa namminersortunngorsarneqaruni, privatisereruni, ajornartorsiutaanavianngitsoq. Kommuni akileeqataassasoq kiffartuussinissamik isumaqatigiisummik, Servicekontraktimik. Kiffartuuneqarnissaq pillugu. Neriniartarfilerlugu.

-----

Pissutsit atuuttut:

Maniitsumi kalaalimineerniarfik.  
Ullumikkut november 2019 pissutsit atuuttut:

Kalaalimineerniarfiup illuta ukiualunngiut qaangiupput nutarterneqarpoq ajunngikkallaruni. Ini tuniniaavik ("pisiniarfittaa") ulapiffiup nalaani mikivallaalertarsinnaanera eqqaassanngikkaanni ajunngikkallartoq kalaalimineerniarfimmi ittuusup nalilerpaa. Aalisakkanik kalaalimineerniarfimmu eqqutassanik suliarinnittarfik pigineqarpoq amigaataavorli immikkoortoq neqileriffik. Ini nillartaartitsivik pigineqarpoq. Aalisakkanulli nillartaartitsiviit pingasut amigaatigilerneqarput, nillartaartitsiviit nutaanngilivallaarneri pissutigalugu.

Kalaalimineerniarfimmi tuniniaaneq allaat inatsisitigut piumasqaatinik unioqquutitsinertut taaneqartariaqartoq ittuusup nalilerpaa. Pissutigalugu atortut allallu inimi nerisassaleriffimmeeqqusaanngikkaluartut allami inissaqannginnerat pissutigalugu tamaaniitinneqarmata. Illutaa ataasiinnaammat ini tuniniaaviup iluaniitinnarneqarput. Aamma inimi tassaniitinneqarput qaqorsaatit, wc-mut qaqorsaatit allallu. Pappilissat isugutattumiittussaangitsut pisiniarfittaata iluaniipput. Kalaalimineerniarfimmi ini nutaaq ini tuniniaavimmu atasoq amigaataavoq. Ini nerrivinngualik issiavilik pause-rtarfittut atorsinnaasoq aammalu ini tuniniaaviup iluaniittussaangitsut taamaalillugu inimut nutaamut tassunga inissinneqarsinnaalissagaluarput ini pilersinneqartuuppat. Computer isugutattumiittussaangitsoq ini tuniniaaviup iluaniippoq. Ullut tamangajaasa Kalaalimineerniarfiup ittua kommunep allaffiliartariaqartarpoq aalisartut piniartullu piumasaaq allagartannguaq ullormut tunisat nalinginik takussutissaq isumagiartorlugu. Inimik pause-rtarfimmik atortunullu inissivimmik kalaalimineerniarfimmu ilassutitut sanasoqartuuppat computeri printerilu ilanngullugit tassani

inimi inissinneqarsinnaalissagaluarput. Taamaallillugu pappilissat piniartunut tunniutassat allallu sulianut tunngasut tamaani anillatsittariaannaasassagaluarput allaffissualiaqqaanngikkaluarluni isumagineqarsinnaalissallutik. Tamanna sulisinut oqiliallaataassaq.

Kalaalimineerniarfiup illutaa taassuminnga ilasuuppat erisartarfik kalaalimineerniarfimmut atalersinnaagaluarpoq matulerlugu.

Sulisut asaaniarpata silakkooqqaanngikkaluarlutik asaasinnaangussagaluarput. Taamaallaat piumasaqaataavoq matup matoqqanissaa timmissat meqquisa kalaalimineerniarfiup iluanut isaannginnissai pillugu.

Neqinik aalisakkanillu tuniniagassanngorlugit suliarinnittarfik qangali atuisunit aamma kalaalimineerniarfiup ittuanit naammagittaalliutigineqartaraluarpoq. Ini, nateq, ataasiinnaammat neqit aalisakkallu tassani ataatsimut suliarineqartarput, ilai aalisakkerisut, ilai neqilersut ataatsikkut. Tamanna aaqiiviginiarlugu ukioq kingulleq

pilersaaruserlugu aallartikkaluarpoq. Neqileriffissaq kalaalimineerniarfiup kujataa-tungaanut inissillugu immamut ruujorilerlugu seqqartaasarfilerlugu. Pappiaqqatigut pilersaarussiaq aammalu neqeroorussiaq naammassereersoq

kommunimit itigartitsissutigineqarnikuuvoq aasaq manna.

Pappiaqqat tassunga tunngasut massakkut Maniitsumi teknikkeqarfimmi piareersimallutik allaffimmiipput.

Neqileriffik aalisakkerivillu init marlunngorlugit immikkoortinnissaat inatsisitigut piumasaqaataasoq kalaalimineerniarfiup ittuaata oqaatigivaa. Tamanna aaqiiviginiarlugu ukiut qulit missaani kalaalimineerniarfimmi ittuusup qinnutigisarsimasaralua suli maannamut piviusunngortinneqanngilaq maannamullu tassa neqinik aalisakkanillu suliarinnittarfik kalaalimineerniarfiup ittuaata naliliinera malillugu inatsisitigut piumasaqaatinik unioqqutitsisoq atorneqarpoq.

Eqqaaviit sulisinut naleqqutinngillat. Puussiarsuit oqimaaqisut ilaanni inuit marluuttariaqartarpaat ilaanni pingasuullugit. Kalaalimineerniarfiup eqqaavia portunermik iluanut iginniassagunikkit, tamannalu aamma sulinermi avatangiisit pillugit inatsimmik unioqqutitsinerusoq ittuusup oqariartuutigivaa.

Qanoq iliallannikkut qiteq allallu nukiit ajoquserneqarsinnaallutik.

Ukioq kingullertigut kalaalimineerniarfimmi isertitat kinguaallaqqapput. Tamanna kalaalimineerniarfiup ittuaata nassuiarpaa una peqqutaqaataasoq: Aalisartut piniartullu kalaalimineerniarfimmi isertitaat ittuusup suliarisarpai ataasinngornikkut sisamanngornikkullu. Isertitat taakku aningaaserivimmu ikineqartarput marlunngornikkut tallimanngornikkullu. Ajoraluartumilli ukioq

kingullertigut kalaalimineerniarfimmi isertitat appariartuuarput. Piniartoq aalisartoq pisortanut

akiligassaqsarimappat kalaalimineerniarfimmi isertitai konto-anut nakkartinnginnerani tamaviisa aningaasarsiassaarullugu peerneqartarput kalaalimineerniarfimmi isertitaralui tamarmik akiligassanut nakkartinneqarlutik. Taava piniartup ingerlatsinermini

ullormut pinngitsoorsinnaangisai soorlu benzin-amut, patron-inut olie-nut, qassutit aalisaatit assigisaallu aalisarnermut atortut, tamakkununnga akissaarutissaaq aningaasarsiassaqaannginnami. Taamaammat arlaqartut ingerlatsinerminnut akissaqarniarlutik kalaalimineerniarfiup avataatigut tuniniaasarneq ingerlattarpaat. Tassa akileraaruteqaanngitsumik tuniniaalerneq ersarissisimavoq.

Pissutsit taamaannerat kalaalimineerniarfimmi sulisuusut susinnaanngilaat. Ilaanni isiginnaaginnartarpaat kalaalimineerniarfiup avataani tunisisut.

Kalaalimineerniarfimmiit neriuutigineqarpoq ajornartorsiutit tamakkua paasineqarumaartut aammalu aaqiivigineqarumaartut taamaasillugu immaqqa kalaalimineerniarfimmi ukiumut isertitat

qaffassinnaagaluarmata. Pissutsit taamaaginnarpata taamatullu ingerlasoqaannassappat kommune-p kalaalimineerniarfimmut aningaasartuutai amerliartussasut kalaaliminerniarfiup ituata nalilerpaa.

2015-imiit 2019-imi september ilanngullugu Maniitsumi kalaalimineerniarfimmi ukiumut isertiat:

- 2015-imi: 1.901.556,00 kr
- 2016-imi: 2.024.898,00 kr
- 2017-imi: 1.845.923,02 kr
- 2018-imi: 1.834.826,00 kr
- 2019-imi Jan-sept 1.378.690,74 kr

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-meersumi § 26-mi Kalaalimineerniarfinnit tuniniaaneq aalajangersarneqarpoq. § 26, imm. 8-mi aalajangersarneqarpoq Kalaalimineerniarfinni inuussutissanik suliarinninneq inerteqqutaasoq, tuniniaanermut atatillugu erisarneq, erlaviaaneq isaterinerlu eqqaassangikkanni.

Aalajangersagaq taanna malillugu taamaallaat nutaat aalisakkat, neqit timmissallu kalaalimineerniarfinni tuniniarneqarsinnaapput.

Tamatuma saniatigut 30. august 2018-mi Naalackersuisut immikkut akuersinerisigut aalisakkat neqillu panertut, tarajortikkat, pujuukkat aamma qerisut ukioq 2019-ip naanissaata tungaanut atuuttumik kalaalimineerniarfinni tuniniarneqarsinnaapput.

Qerisunik kalaalimineerniarfimmi tuniniaasinnaanermut tunngatillugu Allaffeqarfiup Aalisarnermut, Piniarnermut Nunalerinermullu Naalackersuisoqarfik maj 2019-imi apeqquteqarfiginikuuvaa piniagassat killilersukkat, soorlu tutut umimmaallu piniagaanerisa naammassineraniit sivisunerpaamik ulluni 3-ni kalaalimineerniarfinni tuniniarneqarsinnaasut Tuttunut aamma umimmanut bekendtgørelse-ni aalajangersagaammat. Uanilu 30. august 2018 Naalackersuisunit immikkut akuersinikkut qerisunik kalaalimineerniarfinni tuniniaasinnaaneq ammaaneparnikummat tamanna qanoq isumaqarnersoq Allaffeqarfimmit paasiniarneqarluni. Naalackersuisoqarfimmit akissuteqaammi 31. maj 2019-meersumi imatut akissuteqarput:

”Tuttut aamma umimmaat neqaat qerisut pillugit UNIO imatut nassuiaapput:

Qerisut pineqartut Kalaamineerniarfimmi -18 Celcius ataalluguluunniit qerititsivimmiitneqarsinnaappata taava piniarfiup qaangiunneraniit ullut pingasut qaangerlugit tuniniaasoqarnissaa ajornanngilaq.

Kalaalimineerniarfik qerisut qanoq sivisutigisumik ajoquteqannginnissaat - holdbarhed - pillugu nammineerluni naliliiginnartassaaq.

Qerititsivimmi -18 Celcius ataalluguluunniit qeritinneqartarnerat uppersarsarneqarsinnaasariaqassaaq UNIO-miit nassuiaapput?”

UNIO tassaavoq Uumasut nakorsaat Inuussutissalernerlu pillugit Oqartussaqqarfik.

Qulaani saqqummiunneqartut malillugit Maniitsumi kalaalimineerniarfimmit ukua kissaatigineqarput:

1. Neqinik kalaalimineerniarfimmut eqqutassanik suliarinniffik.
2. Kalaalimineerniarfimmut ini ilassutaasussaq sulisunit pause-rfiusinnaasoq aamma atortunut pequusivittut inissiiffiusinnaasoq, soorlu qaqorsaatinut assigisaannullu aamma qarasaasiamut printerimullu inissiiffiussalluni.  
Ini taanna kalaalimineerniarfimmiit erisartarfimmut. atalersitsissaaq matulerlugu.
3. Aalisakkanut nillartaatsiviit.
4. Aalisakkanik suliarinniffimmi nerriviit, suliarinniffiusinnaasut.

5. Eqqaaveqarneq. Eqqaaviit sulisunut naleqqutinngitsut iluarsivigineqarnissaat,
6. Qeritsivimmik angisuumik pilersitsinissaq,
7. Aalisartut piniartut pisortanut akiligassallit tamakkiisumik ilanngaattittarnerat isummerfigineqarnissaa

---

Tunisassiorfilissappat suut piumasaqaataappat:

September 2018-imi isumasioqatigiinnermi kissaatigineqartut ilagivaat kalaalimineerniarfiit namminersortunit tiguneqarsinnaanerit misissorneqassasoq. Kisaatigineqarpoq aamma tunisassiat suliareqqitat assigniingitsut amerlanerit kalaalimineerniarfinni tunisassiarineqalerlutik tuniniarneqarsinnaalernissaat. Taamatullu aamma kissaatigineqarpoq neriniartarfilernissaat. Torvehal-it aamma periarfissatut oqariartuutigineqarput.

Kalaalimineerniarfik tunisassiorfittalik kisaatigineqarpoq.

Kalaalimineerniarfimmu atsumik tunisassiorfimmik pilersitsisoqassappat inatsisit ataani taaneqartut kommunimit tungavigineqassapput::

-Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-meersoq.

-Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissat pillugit Inatsisartut inatsisissaat nr. 23, 18. december 2003-meersoq.

-Unammilleqatigiinneq pillugu Inatsisartut inatsisaat nr. 1, 15. maj 2014-imeersoq (unammilleqatigiinnermut inatsit).

---

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-meersumi § 26-mi Kalaalimineerniarfinnit tuniniaaneq sinaakkusersorneqarpoq.

§ 26, imm. 8-mi aalajangersarneqarpoq Kalaalimineerniarfinni inuussutissanik suliareqqiineq inerteqqutaasoq, tuniniaanermut atatillugu erisarneq, erlaviaaneq isaterinerlu eqqaassangikkanni.

Aalajangersagaq taanna malillugu taamaallaat nutaat suliareqqitaanngitsut aalisakkat, neqit timmissallu kalaalimineerniarfinni tuniniarneqarsinnaapput.

Taakkua saniatigut 30. august 2018-mi Naalakkersuisut immikkut akuersinerisigut (suliareqqitat aalajangersimasut) aalisakkat neqillu panertut, tarajortikkat, pujukkat aamma qerisut ukioq 2019-ip naanissaata tungaanut atuuttumik kalaalimineerniarfinni tuniniarneqarsinnaapput.

Naalakkersuisunit immikkut akuersineq 2020-ip aallartinneraniit atuuttumik sivitsorneqassanersoq imaluunniit inatsisinik allannguisoqassanersoq Allattoqarfiup maannakuutillugu ilisimangilaa. Apeqqut taanna pillugu Allaffeqarfik nalakkersuisoqarmmut e-mail-ikkut 28.10.2019 apeqquteqaateqarpoq. Akissuteqaat takkuppatt ingerteqqinneqassaaq.

Qulaani taaneqartut kalaalimineerniarfimmu tuniniarneqarsinnaasut saniatigut allanik suliareqqitanik kalaalimineerniarfimmu tuniniaasoqassappat taava Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-meersumi piumasaqaatit malillugit tunisassiorfimmik pisiniarfittalimmik, naalakkersuisunit akuerisaasumik, pilersitsisoqartariaqassaaq. Suliffeqarfimmik inuussutissaleriffiusumik akuerisaasumik pilersitsissagaanni piumasaqaatit annertuujupput.

Taamatut kommuni pilersitsissappat illu maannakkut kalaalimineerniarfiusunit anginerusoq

tunisassiorfittut atorsinnaasoq atulersinneqartariaqarmat.

Imerk pilersuineq, kuuffilersuineq(afløb), suliffeqarfiup illuata aaqqissugaanera, tunisassiorfimmik atortut, eqqagassanik eqqaaneq, sulisunut piumasaqaatit annertunerusut allallu piumasaqaatit malinneqartussaapput pilersitsinermi.

Tunisassiorfimmik pilersitsinissamut piumasaqaatit Suliffeqarfiit inuusstissaleriffiusut pillugit Nalunaarut-mi 1998-meersumi qulaani taaneqartumi atuarneqarsinnaapput.

Kommuni suliffeqarfimmik tunisassiorfittut akuerisaasumik pilersitsinermi **aningsaasaliissappat** inatsisitigut tunngaviususaaq tassaavoq Kommunit inuusutissarsiuutini il.il. aningsaasaliinermikkut inuusutissarsiuutini ineriartortitseqataanissaminnut periarfissaat pillugit Inatsisartut inatsisissaat nr. 23, 18. december 2003-meersoq.

Aamma malinneqartussaavoq Unammilleqatigiinneq pillugu Inatsisartut inatsisaat nr. 1, 15. maj 2014-meersoq (unammilleqatigiinnermut inatsit).

Inatsisini taakkunanani alajangersagaavoq kommuni inuutissarsiuutitut sunut qanorlu ittunut aningsaasaliisinnaasoq (sinaakkusersorneqarluni) aamma kommunip aningsaasaliinera unammilleqatigiinnermut innarliinnnginnissa inatsisini aalajangersakkat naapertorlugit qulakkeeqqaarneqartussaavoq. Taamaammatt kommuni taamatut pilersitsinissamik pilersaarusiussappat pilersaarut Unammilleqatigiinneq pillugu ataatsimiititaliamut(konkurrencenævn-imut) saqqummiunneqqaartussaavoq. Tassani nalilerneqarlunilu oqaaseqaateqarfigineqassammat pilersaarut unammilleqatigiinnermut innarliissanersooq imaluunniit innarliissannginnersooq nalilerneqarluni. Aatsaat innarliissanngitsoq Unammilleqatigiinneq pillugu ataatsimiititaliamit (konkurrencenævn-imit) nalilerneqarpat pilersaarut kommunimit ingerlateqqinneqarsinnaavoq, taava Kommunit inuusutissarsiuutini il.il. aningsaasaliinermikkut inuusutissarsiuutini ineriartortitseqataanissaminnut periarfissaat pillugit Inatsisartut inatsisissaat nr. 23, 18. december 2003-meersoq naapertorlugu(malillugu) kommunip aningsaasaliinerata pinissaa aamma qulakkeeqqaarneqartussaavoq. Tassunga tunngatillugu Naalakkersuisut siulittaasuata Naalakkersuisoqarfiata ataani Nunamut Namminermut Immikkoortortaq naliliisillugu pilersaarutip inatsit 2003-meersoq malillugu ingerlanneqarsinnaasoq imaluunniit ingerlanneqarsinnaanngitsoq oqaaseqaateqartinneqassaaq.

Inatsimmi pingaartinneqarluni piumasaqaataavoq kommunip aningsaasaliiffigisaa imaluunnii tapiiffigisaa aningsaatigut sinneqartooruteqarnissamik siunertaqartuusaaq.

Taamaammatt inatsisit qulaani taaneqartut marluk unioqqutinnagit pilersaarutip ingerlanneqarnissaata qulakkeeqqarnissaa pisariaqarpoq kingusinnerusukkat Namminersorlutik Oqartussanit unitsinneqariataarsinnaanera pinngitsoorniarlugu.

Qeqqata Kommunianiata kalaalimineerniarfinnik inerisaaneq taamaattoq toqqassappagu, suliffeqarfimmik inuusutissaleriffimmik naalakkersuisunit akuerisaasumik kommuni pilersitsilluni, alloriarneq aningsaasaliinerillu annertuujususaapput.

Taamatut pilersitsigaanni pujoorivik, aalisakkanik neqinillu maskina panertitsivik, tarajorterivik, nillartaatsiviit qerititsiviillu pilersinneqarsinnaapput.

Taamaalillugu panertut, pujuukkat tarajortikkat allallu tunisassiat soorlu fars-it immikkullu sanaat(specialiteter) tuniniarneqarsinnaalissagaluarput. Aamma aalisakkat neqillu tuniniariikkat nutaanngilisinnagit suliareqqaarlugit tunisassiaq qeritinneqarsinnaalissaaq qerisutullu kalaalimineerniarfimmik tuniniarlugu, assersuutigalugu fars-iliat.

Pisiniarfinnut tunisassianik pilersuisinnaaneq aamma periarfissaalissaaq.

### Allaffeqarfiup naliliinera

Maniitsoq:

Allaffeqarfip nalilerpaa Maniitsumi kalaalimineerniarfimmi amigaataasut qulaani taaneqartut 1-6-mi taaneqartut piviusunnngortinniarlugit sulissutigineqarnissat pisariaqartoq Maniitsumi kalaalimineerniarfik ullutsinnut naleqquttimik ingerlanneqassappat taamatullu aamma imm. 7-mi aalisartut piniartut pisortanut akiligassallit pillugit saqqummiussaq isummerfigineqartariaqartoq siunnersuutigalugu, tamakkiisumik ilanngaatitittarnerat pissusissamisuunngitsoq allaffeqarfup nalilermagu.

Kalaalimineerniarfiup namminersortunngorsarnissaa, tunisassiorfittalerneqarsinnaanera aamma imaluunniit kommunimut kiffartuussinissamik isumaqatigissutulerlugu ingerlanneqarsinnaanera illoqarfimmi Maniitsumi qanoq periarfissaqarnersoq tunisassiorfitalernissaalu inatsisitigut tunngavissaqarnersoq misissuilluaqqaarluni uterfigeqqinneqarsinnaasoq Allaffeqarfiup nalilerpaa. Taamatut naliliinermi tunngaviuvoq tunisassiorfimmik pilersitsinermi piomasagaatit annertunerat pissutigalugu pilersitsinissaq akisussammat aamma Allaffeqarfiup misissuisinnani maannakkut nalilersinnaanngimmagu kommunip aningaasaliiffigisaanik tunisassiorfimmik pilersitsineq ilumut inatsisitigut periarfissaanersooq imaluunniit periarfisaannginnersooq misissoqqaagassaammat. Allaffeqarfiup nalilerpaa Maniitsumi kalaalimineerniarfimmik namminersortunngorsaasoqarnissaanik akilersinnaasutsimillu misissuisoqassappat Arctic Circle Business misissuineri suleqataanissaa pisariaqartoq, kalaalimineerniarfik tunisassiorfitalik nunami suiffeqarfiummat.

### Innersuussut

Innersuussutigineqarpoq

1.

Maniitsumi kalaalimineerniarfimmi maannakkut aamma piffissaq qaninnerusoq eqqarsaatigalugu amigaatigineqartut aqqitassallu ataani A-miit G-mut allattorneqartut piviusunnngortinneqarsinnaanerat atorfilittanit misissorneqassasoq missingersuusiorfigineqarlutillu. Atatsimiititaliap tullissaanik ataatsimiinnerani saqqummiutassanngorlugu.

A. Neqinik kalaalimineerniarfimmu eqqutassanik suliarinniffik.

B. Kalaalimineerniarfimmu ini ilassutaasussa q sulisunit pause-rfiusinnaasoq aamma atortunut pequusivittut inissiiffiusinnaasoq, soorlu qaqorsaatinut assigisaannullu aamma qarasaasiamut printerimullu inissiiffiussalluni.

Ini taanna kalaalimineerniarfimmu erisartarfimmu. atalersitsissaaq matulerlugu.

C. Aalisakkanut nillartaatsiviit.

D. Aalisakkanik suliarinniffimmi nerriviit, suliarinniffiusinnaasut.

E, Eqqaaveqarnek. Eqqaaviit sulisunut naleqqutinngitsut iluarsiivigineqarnissaat,

F. Qeritsitsivimmik angisuumik pilersitsinissaq,

G. Aalisartut piniartut pisortanut akiligassallit tamakkiisumik ilanngaatitittarnerat isummerfigineqarnissaa.

2.

Maniitsumi Kalaalimineerniarfiup siunissami aggersumi namminersortunngorsarneqarsinnaaneranik aamma imaluunniit Kommunimut kiffartuussinissamik isumaqatigiisummik (servicekontrakt-imik) pilersitsisoqarsinnaaneranik misissuinerit aallartinneqassasut. Misissuineri Arctic Circle Business peqataanissaanik kommunimit suliakkerneqassasoq.



## **Aalajangiineq**

Inassutitut tiguneqarpoq

Siunnersuusisusaaq 1. maj 2020-ip tungaanut, makku pinaartinnerullugit:

- Illutassaata inissisimaffissaa
- Illutassaata iluata iluserisinnaasaa
- Angallammi / pisaqarfimmi paaqqutarinissaannut inassuteqaatit
- Nunamut talittarfimmi nioqqaartarneri, isumannaatsumik
- Kalaalimineerniarfimmu apuunneqartarneri
- Atortut naleqquttut piginissaat
- Kalaalimineerniarfimmi paaqqutarineri
- Atuisunut tunisassiat naleqquttumik aggukkat
- Pisiniarfimmut engros-mik tunisisinnaaneq
- Kalaalimineerniarfiup pigineqarnera ingerlanneqarneralu, qanoq?

Sisimuni / Maniitsumi ataatsimiititaliami ilasortaasinnaasut:

- Teknikkimut ataatsimiititaliami ilasortat
- Teknikkimut immikkoortortaqqarfimmit
- Ulluinnarni kalaalimineerniarfimmi aqutsisoq
- Piniartut aalisartullu sinniisii marluk
- Utoqqaat illuani igaffimmi ningiu
- Pisiffimmi slagteri
- Arctic Circle Business

## **Ilanngusaaq**

1. Qeqqata Kommuniani Kalaalimineerniarfiit siunissaat pillugit 19. September 2018 isumasioqatigiinnermit imaqarniliaq.
  2. Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-meersoq.
  3. Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisissaat nr. 23, 18. december 2003-meersoq.
  4. Unammilleqatigiinneq pillugu Inatsisartut inatsisaat nr. 1, 15. maj 2014-imeersoq (unammilleqatigiinnermut inatsit.
-



## **Imm.05 Kangerlussuarmi eqqagassalerineq**

*Journal nr. XX.XX.XX*

### Tunuliaqutaq

Kangerlussuarmi eqqagassalerineq kisiartaalluni kommunip akisussaaffeqarfiini nalinginnaasunngorsarneqarnikuunngilaq, taamaalillunilu Mittarfeqarfiinit kommunimut ingerlalluni. Kangerlussuarmi eqqagassalerineq ilaatigut ammaannartumik ikumatitsisarnikkut saviminikunillu katersuinikkut ingerlasarpoq.

Nunarsuarmi anguniakkat pillugit atuarfiit suliaqarnerinut atatillugu, tamanna ukkatarineqarpoq. Qinnguata Atuarfiani 10 klassimi atuortoq Athena Lings 2019-imi oktobarip qulingiluaani Sivdleq-mi ima allaaserisaqarpoq, Kangerlussuarmi eqqaavissuaq innuttaasunut, takornarissanut uumasunullu ajoqutaasumik, pinngortitamut nunaqarfimmullu suli mingutsitsisoq.

### Maleruagassatigut tunngavigisaq

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

### Pissutsit atuuttut

2001-imi Kangerlussuaq Sisimiut Kommunianut ilanngunneqarmat, Kangerlussuarmik Nalinginnaasunngorsaanermik isumaqatigiisummi avatangiisinut immikkoortumik tigusinissamut Sisimiut Kommune nangaassuteqarnikuuvoq. Ilaatigut tullinnguuttut patsisaallutik ”1992-imi amerikarmiut sakkutooqarfimmiit qimagummatali, Kangerlussuarmi avatangiisitigut suliniuteqarnissamut tapiissuteqartoqarnikuunngilaq”. Ima aamma allassimavoq ”Maannamut eqqagassalerinermi eqqakkat katersorneqarsimasut eqqaavissuarmi ikuallanneqartarlutik. Tamanna aaqqiissut siunissamut akuerineqarsinnaanngilaq, taamaattumillu 1996-imi Kalaallit Nunaanni eqqagassalerinermut pilersaarut naapertorlugu, Pinngortitamut, Avatangiisinullu Naalackersuisoqarfimmit aningaasartuutissat 15-16 mio. koruuninik naleqarnissaanik nalilerneqartoq, Kangerlussuarmi sanaartornissamut qulakkeerisoqartariaqarpoq.”

Tamatuma saniatigut 2001-imi Kangerlussuaq pillugu Pinngortitamut, Avatangiisinullu Naalackersuisoqarfiup tunuliaqutitut allakkiaani allassimavoq, ”Illoqarfinni nunaqarfinnilu ikuallaavinnut Namminersornerullutik Oqartussanit tapiissuteqartoqassaaq, taamaattorli Kangerlussuami suli ikuallaavimmik pilersitsisoqarnikuunngilaq” aammalu ”Tamatumalu saniatigut, 1996-imi Namminersornerullutik Oqartussat eqqagassanut iliuusissatut pilersaarutaata malitsigisaanik, Kangerlussuarmi qangali ikuallaavimmik pilersitsisoqartussaagaluarpat, Kangerlussuarmi ikuallaavimmik sanaartornissamut aningaasaliissutinik qulakkeerisoqartussaagaluartoq”.

Apeqqummut tunngatillugu ukiuni qulini tulliuuttuni annertunerusumik susoqanngilaq, taamaalillunilu eqqagassalerinermik Mittarfeqarfiit ingerlatitsiinnarput, matumani Kangerlussuarmi eqqaavissuaq ilanngullugu. Kangerlussuarmi ikuallaaviup inssiivissaanut periarfissatut allanik kommuni siunnersuusiornikuuvoq. Kalaallit Nunaanni ikuallaavinni minnerusuni naammaginangitsumik peqqissutsimut tunngatillugu iliuseqartarnerinit, Kangerlussuarmi ikuallaaviliornissamut isumaq qatangiinnarneqartalersoq ersarissigaluttuinnarpoq, taamaattumillu 2010-kkut aallartinnerianiit ikuallaavinnik anginerusunik sanaartornissamut, nunap sinneraniillu ikuallaavissualinnut assartuinissamik suliniuteqartoqalerpoq.

2013-imi suliffissaaleqinerup akiorneqarniarneranut immikkuullarissumik immikkoortitsinermut atatillugu, Kangerlussuarmi eqqaavissuarmik ersarissaanissamut torersaanissamullu Namminersorlutik Oqartussat 2 mio. koruuninik agguaassipput. Pissutsitnik misissuineranut aammalu suliniutissat siunnersuusiormik Inuplan ingerlatsisuuvoq. Taannalu saviminikunik pioreersunik piaanissamik assartuinissamillu kiisalu siunissamik eqqagassanik assartuinissamut tigooraavimmik pilersitsinissamik imaqarpoq. Taassuma takutippaa, 11,8 mio. koruuninik aningaasaliinissamik pisariaqartitsisoqartoq. Suliap ingerlateqqinnissanut Namminersorlutik Oqartussat naammattumik aningaasaliissutissanik nassaarsinnaanngimmat, annertunerusumik susoqaqqinngilaq, taamatullu siunertamut 2 mio. koruuninik aningaasaliissutaasunit ½ mio. koruunit kisimik atorneqarput. 2017-imi Qeqqata Kommuniata borgmesteria allakkatigut neqerooruteqarpoq, Namminersorlutik Oqartussat kommunilu ataatsimoorlutik aaqqiissutissarsiuussasut, tassani aaqqiissummut kommuni aningaasaleeqataassalluni. Tamanna Namminersorlutik Oqartussanit suliniuteqaqqinnermik kinguneqanngilaq.

2017-imit 2020 tikillugu kommunip eqqagassalerineranut pilersaarutaa naapertorlugu, ”Illoqarfinit nunaqarfinniillu sapinngisamik peqqinnermut toqqaannartumik toqqaannangitsumillu ajoqutaasinnaasut eqqagassat piarneqassasut, taamaalillutik innuttaasut sulisullu akuutissanik ulorianartunik sunnertinneqannginniassammata salliunneqarpoq. Akuutissat eqqakkanik isumaginninnermi ikuallaanermilu innuttaasut peqqissusaannut kiisalu sulisut suliffimmi avatangiisiannut toqqaannartumik navianartorsiorbitsisut pineqarput. Matumani Kangerlussuarmi ammaannartumik ikuallaasarneq Qeqqata Kommuniani navianartorsiorbitsinerpaavoq, sumiiffinnimi najugaqarfiusut sinnerini tamani ikuallaaveqarpoq.

#### Atuilluartaunissakkut kingunerisinaasai

Ammaannartumik ikuallaasarneq atuilluartaunngilaq, tamannalu sumiiffinni tamani sanaartorneqartariaqarpoq.

#### Aningaasaqarnikkut allaffissornikkullu kingunerisinaasai

2015-imi Inuplan-ip missiliuutaa naapertorlugu, eqqaavissuarmik pioreersumik torersaanissamut kiisalu tigooraavimmik pilersitsinissamut ataasiartumik 11,8 mio. koruuninik aningaasaliisoqarnissaa pisariaqarpoq. 2015-imiilli aningaasartuutissat qaffariaateqarsimanissaat naatsorsuutigineqassaaq, mannami tikillugu saviminikunik torersaasoqarani katersineq ingerlatiinnarneqarnikuuvoq. Tamatuma saniatigut Qeqqata Kommunianut ingerlatsineranut aningaasaqarnikkut ukiumut aningaasartuuteqarnissaa naatsorsuutigineqassaaq, aammali illoqarfiir allat assigalugit innuttaasunit suliffeqarfinniillu kommunimut akiliuteqartoqartarluni.

#### Allaffeqarfiup naliliinera

Allaffeqarfik naliliivoq, Namminersorlutik Oqartussat Kommunillu akornanni ukualunnguit ingerlanerani Kangerlussuarmi eqqagassalerinermik nalinginnaasunngorsaasumik aaqqiissummik nassaarniartoqartariaqartoq. Kommunip immikkoortui allat maannakut nalinginnaasunngornikuupput, eqqagassalerinerlu nalinginnaasunngortariaqarluni.

Allaffeqarfik naliliivoq, innuttaasunit, takornarialerisunit, kommunimit qallunaallu illersorneqarfianit il.il., Namminersorlutik oqartussat Kangerlussuarmi pisussaaffimminik naammassinninnissaanik naatsorsuuteqartuq, pingaartumik Kangerlussuarmi innuttaasut tikeraarpassuillu peqqinnissaat pineqartillugu.

### **Innersuussut**

Allaffeqarfiup Teknikkimut ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigivaa,

Kangerlussuarmi eqqagassalerinerup nalinginnaasunnngorsarnissaanut aningaasanik immikkoortitsisarnissamut, Nammineroslutik Oqartussat pitsaangitsumik akissuteqartarnerata naliliiffigineqaqqinnissaanik qinnuigineqassasoq

Kangerlussuarmi ammaannartumik ikuaallaasarnermik Mittarfeqarfiinut inerteqqusinissaanik, pissutsit iluarsivigineqarnissaanut piffissaliisoqarsinnaalluni, Pinnngortitamut, Avatangiisinullu Naalakkersuisoqarfik qinnuigineqassasoq

### **Aalajangiineq**

Allangaqaat akuersissutigineqarpoq.

Jakob Olsen nunaqarfinnut aqutsisunut allangaqassasoq, mittarfeqarfiit atoqqissinnaasunut toqqorsivimmik atungassiisinaanera pillugu.

### **Ilannussat**

1. 2002-mi januaarip aallaqqaataanit kangerlussuaq Sisimiunut atasunnngortinneqarnissaa pillugu sulisooqatigiinnit nalunaarussiaq (nalinginnaanngorsaanermut isumaqatigiissut)
2. Pinnngortiamut, Avatangiisinullu Naalakkersuisoqarfiup suliamut allagaa, september 2001
3. 2015-imit Inuplan-ip suliniutaa
4. 2015-imi septembarip arfineq-pingajuani borgmester Hermann Berthelsen-imit allakkat
5. 2017-imi aggustip qulingiluuaani Naalakkersuisut siulittaasua Kim Kielsen-imit allakkat

## **Imm.06 Teknikkeqarnermut ataatsimiititaliami suliat suliarineqartussat.**

*Journalnr. 17.05/.*

### Tunuliaqutaq

Ataatsimiititaliami uani immikkoortut tullinnguuttut suliarineqarnissaat ataatsimiititaliap siulittaasuata Frederik Olsen kissaatiginikuuaa.

1. 2020-mut sanaartornermut missingersuutit akuerisaasut, ataatsimiititaliap akisussaaffeqarfiani
2. Sisimiuni kalaalimineerniarfimmik nutaamik pilersaarusiorneq
3. Sisimiuni puttasunik pilersitsinissamut killiffik
4. Kangerlussuarmi neqileriffik, piginnittuuneq aamma 2020-mi ukiuunerani piniarnerup nalaani periarfissat pillugit paasissutissiineq

### Maleruagassatigut tunngavigisat

Kommunip Aqutsinermi Ileqqoreqqusai.

### Pissutsit atuuttut

Takuuk ilanngussaq 1 sanaartugassanik kissaatinik suliaqarneq ilanngullugu, 2020-mut missingersuutininik suliaqarnissamut piffissatut pilersaarummik Aningaasaqarnermut ataatsimiititaliaq 2019-imi apriliip 19-ani allakkatigut aalajangersaanikuvoq. Piffissatut pilersaarut taanna malillugu, 2019-imi oktobarip 22-ani aningaasaarnermut ataatsimiititaliami missingersuut aappassaaneerlugu suliarineqarpoq tamatumalu kingorna kommunalbestyrelsimi aappassaaneerseqassalluni.

Teknikkimut tunngasut iluanni 2020-mut missingersuutininut ukiunullu missiliuuteqarfiusunut missingersuutininut kissaatit imm. 5-tut ukiormanna siusinnerusukkut 2019-imi maajip arfineq-aappaani Teknikkeqarnermut, Avatangiisinut Aatsitassanullu ataatsimiititaliap ataatsimiinnermini 03/2019 sularinikuuvai.

### Atuilluartuunissakkut kingunerisinnaasai

Missingersuutit pillugit isumasioqatigiinnermi sanaartugassatut kissaatinut ataasiakkaanut itinerusumik nassuiaaffissamik sanaartugassatut kissaatinut tamanut eqitsimmik immersuisoqarpoq, tassunga ilanngullug kissaatip atuilluartuunerunera. Kissaatinut ataasiakkaanut eqitsisinut taakkununga innersuussisoqarpoq.

Ataatsimiititaliap ataani atuiffik 23-22-mut ilaasumi kalaalimineerniarfimmik ingerlatsinermut, ukiumut annertuumik kommunip tapiissuteqartassappat atuilluartuunngilaq, tunisassat nammassinnaasaannik tunisinermut niuernermi akigititanit ingerlatsinermi aningaasartuutit qaffasinnerussammata.

### Aningaasaqarnikkut allaffissornikkullu kingunerisinaasai

#### 1. 2020-mut sanaartornermut missingersuutit pillugit

Atuiffik 7 iluani siullermeerinninnermiit sanaartugassatut kissaatit pillugit eqitsit 2 ilanngussatut ilanngunneqarpoq. TA iluani sanaartugassatut kissaatit sungaartumik ilisarnaaseqqapput. Sanaartugassatut kissaatinut ataasiakkaanut akissatut missiliuut eqitsimmi allassimavoq.

#### 2. Kalaalimineerniarfik nutaaq pillugu.

Maanna kalaalimineerniarfiup qanoq issusaanik nalunaarusiornerup takutimmaguli, kalaalimineerniarfimmik nutaamik ullutsinnut naleqqunnerusumik sanaartornissaq imminut akilersinnaanerusoq, aserfallatsaaliinissamut aningaasaliissutinit kalaalimineerniarfik nutaaq ukioq siullermiilli missingersuusiorneqarnikuvoq. Oqorsarneqarnera eqqarsaatigalugu sanaartornermut malittarisassanut tunngatillugu maannakkut kalaalimineerniarfik kukkusumik sanaajuvoq,

gallersuutaalu suliffeqarfimmut inuussutissaleriffiusumut tulluuttuunatik, tamatumalu malitsiginikuullugu oqummik eqqugaanikuunera.

Nutaamik inissaanut kommunip pilersaaruseriffineqarnerani tapiliussap suliarineqarnerani, pilersaarutillu aallartinneqannginnerani politikikkut aalajangiussaavoq, kalaalimineerniarfimmik qanoq ingerlatsisoqarnissaanut periarfissanik, namminersortunngorsaasinnaanermut periarfissaq ilanngullugu misissuisoqassasoq. Tamanna tunngavigalugu kalaalimineerniarfimmik nutaamik pilersitsinissaq utaqqimaarneqartussanngorpoq, malitsigisaanillu aningaasat suliniutinut allanut atorneqarlutik.

2017-imi oktobarip 26-ani 2018-imut missingersuutini aappassaaneerinninnermi suliniut "2018-imi 300.000 koruuninik missingersuutilerlugu Kalaalimineerniarfiup siunissaa/namminersortunngorsarneqarnissaa pillugu misissuineq" akuersissutigineqarpoq. 2018-imut missingersuutininut nalunaarusiami imm. 2.23 Kommunip suliffeqarfiutai assigiinngitsuni tullinnguuttumik allassimavoq: "Illoqarfinni kalaalimineerniarfiit namminersortunngorsarniarneqarput. Kalaalimineerniarfiit siunissaat pillugu misissuisoqarnissaanut isumasioqatigiissitsisoqarnissaanullu, 2018-imut missingersuutini 300.000 koruunit immikkoortinneqarput..."

Allaffissornikkut pisortaanerup sulisui kalaalimineerniarfiit siunissaannik misissuinissamik suliakkerneqarput. 2019-imi oktobarip 18-ani piniarnermut siunnersortit piaartumik suliamik saqqummiussassamik suliaqarnissaannik toqqarneqarput.

### 3. Puttasut pillugit.

Aalisarnermut piniarnermullu tunngassutilinni aammattaq ataatsimoorussamik ukiunut marlunnt aningaasaliissutit iluanni puttasut aningaasaliiffigineqarnikuupput. Ataatsimoorussamik suliassat tamakku sanaartornissamut pilersaarummik pilersitsivigineqarnissaat pisariusuupput, soqutigisaqatigiit, nunaqarfinni aqutsisut, peqatigiiffiit il.il. tusarniarneqartussaammata. Sisimiuni qinngunnguani puttasunik inissiinissamut siunnersuutini assigiinngitsunik suliaqartoqarnikuuvoq aammalu illoqarfimmi aalisarnermik piniarnermillu peqatigiiffiit eqqartuiffigineqarnikuullutik, kingullermillu 2019-imi oktobarip 24-ani umiarsualivimmi siunnersuisooqatigiinnik eqqartuiffigineqarlutik. Suliniummik suliaqarneq ingerlaqqinnarpoq, taamaalilluni 2020-mi angallavinnngornissaanut puttasut piareersimaniassammata.

### 4. Kangerlussuarmi neqileriffik.

B-normu 1706 neqileriffiuvoq aammalu TAI paasitinneqarnera malillugu Ejendomsselskabet af 2007 A/S-imit illu pigineqarpoq. Ukiuunerani piniarnerup nalaani periarfissat inuussutissarsiornermut apeqqutaavoq, aammalu inuussutissarsiornermut tunngassutillit Aningaasaqarnermut ataatsimiititaliap ataani inissisimapput, apeqquteqaallu tassunga apeqqutigineqartariaqarpoq.

#### Allaffeqarfiup naliliinera

Sanaartugassatut kissaatit maannakkut Aningaasaqarnermut ataatsimiititaliami aappassaaneerineqarput Kommunalbestyrelsip aappassaaneerinninnissaanut nassiutassanngorlugit tassangaanniillu akuerisassanngorlugit. Kommunalbestyrelsip aalajangiinissaa 2020-mullu missingersuutit akuerisaasut allaffeqarfiup utaqqimaarpai.

### **Innersuussut**

Teknikkeqarnermut ataatsimiititaliamut innersuussutigineqarpoq:

Paasissutissiissut tusaatissatut tiguneqassasoq:

**Aalajangiineq:**

Tusaatissatut tiguneqarpoq.

**Ilanngussat:**

1. 2020-mi missingersuutini piffissamut killiliussat pillugit 2019-imi aprilip 19-ani AA-mit allakkat.
2. Atuiffeqarfik 7-imi sanaartugassatut kissaatit siullermeerneqarneranni eqitsit.

**Imm.07 Maniitsumi sulisunut inissiat aqqaneq-marluk pillugit sanatitsisup siunnersuutaa**

*Journal nr. 33.00*

Tunuliaqutaq

Maniitsumi sulisunut inissianut aqqaneq-marlunnut sanaartornissamut 2019-imut 2020-mullu sanaatornermut missingersuutini (2019-imi 5 mio. 2020-milu 20 mio.) aningaasanik immikkoortitsisoqarnikuvoq. Tamatuma saniatigut 2020-mut missingersuutitut ukiunullu misdsiliuteqarfiusunut siullermeerinninnermi, Sisimiuni 2021-22-mut kiisalu Maniitsumi 2022-23-mut sulisut inissiaanik sanaartornissamut 18 mio. koruuninik immikkoortitsisoqarpoq.

Inissianut suliniutitut naammassineqareersunut titartakkat pioreersut tunngavigalugit sulisunut inissiat nutaat qanoq sanaartorneqarnissaat pillugu, 2019-ip ingerlanerani Teknikkeqarnermut ataatsimiititalimi Aningaasaqarnermut ataatsimiititaliamilu eqqartorneqareerpoq.

Kommunalbestyrelsi septembarip 30-ani ataatsimiinnermi aalajangiivoq

-sanaartortitsisup pilersaarutaa tunngavigalugu kommunip missingersuutaani sulisunut inissianut immikkoortitat tamakkiisumik suliassanngortitsinissamut atorneqassasut

-namminersorlutik inuussutissarsiuqartunut kommunip nalunaarutigissagaa, sulisunut inissianut aningaasalersueriaatsinik allaanerusunik pitsaanerusunik takunnikkusulluni

Maleruagassatigut tunngavigisaq

Inissialiornermut, illunut ataatsimoorussanut, illuliassanut katitigassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq.

Pissutsit atuuttut

Maniitsumi 2019-20-mi sulisunut inissianik sanaartornissaq siunertaralugu, heliportitoqqami inissinnissaat pilersaarutaasimagaluarpoq. Maannakkulli Ungusivimmi sanaartorfigissaaneq aallartisarneqalerpoq, taamaalillunilu inissianut immikkoortumi nutaami inissianik sanaartornerup aallartinneqarnissaa naapertuunnerulluni.

Septembarimi Teknikkeqarnermut, Aatsitassarsiornermut Avatangiisinullu ataatsimiititaliap ataatsimiinnerani inissiat marlunnik initallit arfinillit aammalu inissiat pingasunik initallit arfinillit imaluunniit inissiat marlunnik initallit arfinillit aammalu inissiat sisamanik initallit arfinillit Maniitsumi sanaartorneqarnissaanut siunnersuut eqqartorneqarpoq. Periarffissap pingajoraa inissiat marlunnik initallit arfinillit, pingasunik initallit pingasut aamma sisamanik initallit pingasut.

Atuilluartuunissakkut kingunerisinnaasai

Atuilluartuuneq eqqarsaatigalugu ineqarneq pillugu politikki arlalitsigut imminut assortorluni ilungersunartorujussuuvoq.

Siunissaq ungasinnerusoq eqqarsaatigalugu ineqarnermut tapiissutit atuilluartuunerussanngillat. Siunissaq qaninnerusoq eqqarsaatigalugu innuttaasut namminneq akissarsiatik atorlugit pitsaasunik ineqarnissaminut periarfissaqannginnerat eqqarsaatigalugu, pitsaanerusunik ineqarnerat arlalitsigut iluaqutissartaqarsinnaavoq.

Innuttaasut amerlanerusut namminneq illuuteqarunik atuilluarnersuaq, taamaakkaluartorli pisortat pitsaasunik akisunnngitsunillu inissiaateqarnerisigut, innuttaasut namminneq illutaarnissaminut soqutiginninnerat annikinnerussaaq.

Innuttaasut namminneq illuliortitsinissaannut tapiissutit pingaartumik aningaasaateqarluartunut tunniunneqartarput, tamannalu atuilluartutut isigineqanngilaq.

Aningaasaqarnikkut allaffissornikkullu kingunerisinaasai

Inissianut aqqaneq-marlunnik missingersuutitut 25 mio. koruunit, inissianut anginerusunut sanaartornissamut periarfissiinngillat.

Allaffeqarfiup naliliinera

Allaffeqarfik naliliivoq, tamakkiisumik entreprenørit sulisunut inissianut sanaartornissamut assigiinngitsutigut periarfissinneqarnissaat naapertuuttusoq. Taamaattumillu Maniitsumi Ungasivimmi illunut tullerriaatut inissitanik imaluunniit heliportikumimi quleriinnik neqerooruteqarnissaq naapertuutissaq.

Allaffeqarfik naliliivoq, sanaartornermut missingersuutit naammassisinnaaniarlugit, kingornalu inimik attartornermi aki akilersinnaaniassamat, sulisunut inissiat killilimmik angissusilerneqartariaqartut. Nunaqarfinni ilaqutariinnut ataatsinut illunuk arlalinnik sanaartortoqarnikuvoq, kommunilli sulisuinit ilinniartitsisunit kisimi najugarineqartarnissaat kissaatigineqartarluni, matumanilu nalorninangitsumik nunaqarfinni ilinniartitsisut isumaqatigiissutit naapertorlugit sulisitsisumit (kommune) akissarsiaqissaarnerunerat.

**Innersuussut**

Teknikkeqarnermut ataatsimiititaliamit akuerisassanngorlugu innersuussutigineqarpoq,

Maniitsumi sulisunut inissiat aqqaneq-marluusut Ungasivimmi illutut tullerriaatut imaluunniit heliportikumimi quleriittut sanaartorneqassasut

Maniitsumi sulisunut inissiat aqqaneq-marluk tamakkiisumik sanaartugassanngorlugit neqeroortitsisoqassasoq, tullinnguuttutigut

inissiat marlunnik initallit arfinillit aammalu inissiat pingasunik initallit arfinillit, imaluunniit

inissiat marlunnik initallit arfinillit, pingasunik initallit pingasut aammalu sisamanik initallit

pingasut.

inaarutaasumik sanatitsisup pilersaarutaa decembarimi ataatsimiititaliap ataatsimiinnerani inaarutaasumik akuerisassanngorlugu saqqummiunneqassasoq

**Aalajangiineq**

Akuersissutigineqarpoq

Inissiat initaqassusissaanut apeqqut pillugu tusarniaasoqareerpat siulittaasoq aaliangiisussaataavoq, Allaffeqarfik misissuinissamik innersuussutigineqarpoq.

**Ilanngussat**

1. 2019-imi septembarip 30-ani kommunalbestyrelsip ataatsimiinneranit imaqarniliaq, imm. 16



## **Tamalaat**

Henrik – Tuniniaaveqarfik Sisimiuni sumiiffissaq eqqartorneqarpoq.

Jakob – Aalisartut piniartullu isumasioqatigiinneq sumut killinnersoq paasinierneqarpoq.

Siverth – Kommune tinigutittarfimmik peqarpoq, apeqquteqarpoq.

Eqqaaneq saviminernik pilerinarsarneqarnissaa siunnersuuteqarpoq.

Laust – Kellyville atortuisa ilaasa Kommunimit tiguneqarsinnaaneri pillugit siulittaasoq  
isummertinneqarumaarpoq.

Ataatsimiinneq naavoq nal. 15.31